



Als presidis dals cussegls da scola
da las instituziuns ch'èn responsablas per la scola en il chantun Grischun

Cuir, ils 10 da favrer 2009

Contribuziuns chantunalas a las direcziuns da scolas popularas e da scolinas

Stimadas dunnas e stimads signurs

L'avrigl 2008 ha il cussegl grond concludì ina revisiun parziala da la lescha da scola. Tenor la revisiun parziala da la lescha da scola vegnan pajadas a las instituziuns ch'èn responsablas per la scola contribuziuns chantunalas ch'èn destinadas per cuvrir ils custs che resultan da las direcziuns da scolinas, da scolas primaras, da scolas realas, da scolas secundaras e da classas pitschnas. Las contribuziuns chantunalas a favur da las direcziuns da scolas èn colliadas cun l'ademplement da premissas minimalas.

Conclus dal
cussegl grond
davart contribu-
ziuns chantunalas
a las direcziuns
da scolas

Pervia da la structura speziala en il chantun Grischun cun in grond dumber d'instituziuns pitschnas ch'èn responsablas per la scola renunzia il chantun Grischun d'obligar tut las instituziuns ch'èn responsablas per la scola d'introducir direcziuns da scolas. Il chantun lavura cun in model d'impuls e promova cun contribuziuns finanzialas la nominaziun da direcziuns da scolas en las scolas popularas ed en las scolinas dal chantun Grischun. Il pajament da la contribuziun collia el però cun l'ademplement da premissas minimalas areguard l'engaschament, areguard la scolaziun ed areguard las obligaziuns da las direcziuns da scolas.

Ordinaziun e
reglament davart
contribuziuns a
las direcziuns da
scolas

Pliaras instituziuns ch'èn responsablas per la scola pon er nominar cuminaivlamain ina direcziun da scola. Sch'ina tala "direcziun da scola regionala" lavura en il rom d'ina regulaziun contractuala cuminaivla, ha ella ils medems dretgs da survegnir subvenziuns sco ina direcziun da scola d'ina singula instituziun ch'è responsabla per la scola. Uschia pon er instituziuns pli pitschnas ch'èn responsablas per la scola nominar ina direcziun da scola e purtar ils custs da quella.

Direcziuns da
scola regiun-
alas

Il 9 da favrer 2009 ha la regenza relaschà l'ordinaziun davart il pajament da contribuziuns per las direcziuns da scolas (ordinaziun davart las direcziuns da scolas). En quella ordinaziun ha la regenza **concretisà las premissas minimalas per il dretg da survegnir contribuziuns** ed ha definì ulteriuras disposiziuns executivas per realisar las subvenziuns chantunalas a las direcziuns da scolas (cf. agiunta 1).

Model
d'impuls
empè
d'obligaziuns

Sin questa basa ha il departament d'educaziun, cultura e protecziun da l'ambient relaschà in reglament davart il pajament da contribuziuns per las direcziuns da scolas (reglament davart las direcziuns da scolas) per direcziuns da scolas popularas e da scolinas en il chantun Grischun (cf. agiunta 2). Quests dus relaschs infurmeschan las instituziuns ch'èn responsablas per la scola, sut tge premissas che las direcziuns da scolas survegnan contribuziuns e co ch'ellas pon dumandar talas.

L'uffizi ha elavurà il model d'in carnet d'obligaziuns per las direcziuns da scolas. En quest model èn fixadas las cumpetenzas e las obligaziuns minimalas da la directura u dal directur da la scola. Quellas sa drizzan tenor l'ordinaziun davart las direcziuns da scolas (cf. agiunta 3). Las instituziuns ch'èn responsablas per la scola pon duvrar il model d'in carnet d'obligaziuns sco exempel. Ellas pon cumpletter il model cun ulteriurs puncts e l'adattar a lur relaziuns localas. Il model d'in carnet d'obligaziuns è pensà sco med da lavur auxiliar e na sto betg vegnir surpiglià absolutamain da las instituziuns ch'èn responsablas per la scola.

Model d'in
carnet
d'obligaziuns

Las instituziuns ch'èn responsablas per la scola, las qualas adempleschan las premissas minimalas tenor l'ordinaziun e tenor il reglament davart las direcziuns da scolas, pon dumandar contribuziuns chantunalas per l'emprima giada per l'onn da scola 2009/2010. Per quest intent prendan ellas il formular agiuntà "Dumonda per pajaments da contribuziuns chantunalas per direcziuns da scolas" (cf. agiunta 4). Per che las contribuziuns possian vegnir pajadas gia per l'onn da scola 2009/2010, sto **il formular vegnir emplenì cumpletamain e tramess fin il pli tard il 1. da fanadur 2009 a l'uffizi per la scola populara ed il sport.**

Sco basa per calcular il pajament annual da la contribuziun serva il dumber da partiziuns cun dretg da survegnir subvenziuns ch'ina instituziun ch'è responsabla per la scola ha. Per 25 partiziuns cun dretg da survegnir subvenziuns da la scola populara e da la scolina (correspunda a 25 classas d'ina grondezza media) subvenziunescha il chantun in pensum da 100% per ina directura u per in directur da la scola. La subvenziun chantunala s'augmenta resp. sa reducescha pro rata cun mintga partiziun cun dretg da survegnir subvenziuns e vegn multiplitgada cun la classa da forza finanziaria (cf. calculaziuns exemplaras qua sutvart).

Import da las contribuziuns

EXEMPELS PER CALCULAR LAS CONTRIBUZIONI DA SUBVENZIUN

	EXEMPEL 1	EXEMPEL 2
DUMBER DA LAS PARTIZIUNS	20	50
FACTUR DA SUBVENZIUN PER MINTGA PARTIZIUN	1/25	1/25
CONTRIBUZIONI PAUSCHALA PER LA SCOLA REALA E PER LA SCOLA SECUNDARA (INDEX 2007)	106 350	106 350
CLASSA DA FORZA FINANZIALA	55%	20%
CONTRIBUZIONI CHANTUNALA ANNUALA Furmla da calculaziun: dumber da las partiziuns x factur da subvenziun x contribuziun pauschala x classa da forza finanziaria	46 794	42 540

Il chantun promova la scolaziun e la furmaziun supplementara da las directuras e dals directurs d'ina scola, e quai cun organisar curs e cun pajar contribuziuns unicas fin a maximalmain 5000 francs per persuna. Questas contribuziuns vegnan pajadas dal chantun directamain a la scola auta da pedagogia dal Grischun.

Contribuziuns per la furmaziun supplementara

Analog tar la budgetaziun dals salaris da las personas d'instrucziun exista a partir d'immediat la pussaivladad, da laschar calcular las contribuziuns chantunalas per las direcziuns da la scola sin la homepage da l'uffizi. Faschai per plaschair stim, che quella pussaivladad na vala betg per direcziuns da la scola, las qualas èn responsablas per differents purtaders da scola (scola e/u scolina), ubain per vischnancas, las qualas appartegnan per la scola e per la scolina a differents purtaders, ils quals disponan dentant da la medema direcziun da la scola.

Utensil da budgetaziun

Per dumondas areguard emplenir las dumondas da contribuziun As drizzai per plaschair a signur Marc Stauffer, secziun finanzas, tel. 081 257 30 50, marc.stauffer@avs.gr.ch.

Dumondas

La translaziun rumantscha e taliana da las agiuntas è en lavur e vegn a star a disposiziun sin nossa pagina d'internet en ca. 3 emnas.

Agiuntas
rum./tal.

Salids amicabels

UFFIZI PER
LA SCOLA POPULARA ED IL SPORT
DAL GRISCHUN



Dany Bazzell

Agiuntas

1. Ordinaziun davart il pajament da contribuziuns per las direcziuns da scolas popularas e da scolinas en il chantun Grischun (ordinaziun davart las direcziuns da scolas)
2. Reglament davart il pajament da contribuziuns per las direcziuns da scolas popularas e da scolinas en il chantun Grischun (reglament davart las direcziuns da scolas)
3. Model d'in carnet d'obligaziuns per las direcziuns da scolas
4. Formular "Dumonda per pajaments da contribuziuns chantunalas a direcziuns da scolas"
5. Model d'in diagram da las funcziuns per l'organisaziun da la scola